g. 38Mp were 4

REMONTRANCES

ET REQUESTES AVX

Estats GENERAVX tenus à Paris, 1614.

Par six Paysans:

Digitized by the Internet Archive in 2010 with funding from University of Toronto

gr. 38Mp 00000

ABVIS,

REMONTRANCES

ET REQUESTES AVX

Estats GENERAUX tenus à Paris, 1614.

Par six Paysans:

L I A CLUESTED AVE

MTITE STATES OF THE STATES OF

ADVIS,

REMONSTRANCE ET Requestes aux Estats generaux tenus à Paris, 1614.

Par six Paysans.

LE BOVRGVINON.

Tà vous, Messieurs, & à vous. Vous estes empeschez, no pas come: vne poule qui n'a qu'vn poulet; mais si vous ne l'estes, à tout le moins vous le faictes: Ie dis les empeschez, aucuns & non tous. Vous nous voyezicy bien equipez, qui auons pris la hardiesse de venir au lieu Sacré: Auons disputé longuemet pour les racs, en sin la Bourgonne l'a emporté. Premier ou dernier, cela n'importe, pour ueu que les affaires aillent bien. La derniere lettre de l'Alphabet est aussi necessaire que la premiere (dict nostre Curé.)

Vous contemplez le Picard, habillé de mesme que moy, tous deux auons la teste chaude, bons paysans, bons laboureurs qui le trouuos bon, si faictes bien vous Messieurs des Estats tat Clercs que Laiz. Voyez le Chapenois & Briois auec la faucille vestus de peaux de veau. Le Poiteuin auec sa grade sequenie & ses sabots,

vestu de peaux de Cheureau. Le Breton for: & dispos, testu & opiniastre, vestu de peaux de vache. Le Tourangeau auec gros chapelets, vne branche de meurier à son chapeau, &dans sa main vne serpe a emunder les antes. Nous voicy qui venons demander iustice au Roy. Nous sommes compris sous le tiers Estat, & esperons que ceux qui en ont la charge s'en aquiteront. Vous nous voyez simplemet couuers de ce que la Nature nous done, sans beaucoup d'art, non sans peine. Nous ne sommes pas si estranges en nos habillemes que le paysan du Danube, au temps de Marc Aurele Empereur, mais nous aucus a vous dire plusieurs choses & autres. Ceux qui ont pris la charge de parler pour nous (s'il leur plaist) excuseront nostre iuste douleur. Nous voicy pour dire nos griéfs auec toute humilité & reuerance à nostre Roy, Image de Dieu, son Lieutenant en Terre, ouy son Lieutenant, & bien d'vne autre façon que les decretales modernes ne chantent, & quelques faux Docteurs enseignent. Vous cognoissez bien ces Prouinces qui en tout ou en partie ont esté gaulces, c'est à dire broutees, desolees. Nous demandons iustice, qu'on nous rende nos vaches nos veaux nos cheureaux: mais nostre bo fromenr & nos vins angoulez par les Suisses & autres oyseaux de rapine.

Les Testes sont venues les premiers à ceste assemblee, elles s'en veulent bien faire accroire, come de raison : Nous sommes les iambes & les pieds. Qui aura coupé les pieds & les iambes à ces belles Testes, les vnes mittrees, les autres empannachees à la lansquenette les autres à quatre goutieres il y en a qui se trouueroyent bien estonnez. Coupez aux genoux vous auriez tous fort mauuaise grace, mais qu'il ne vous en deplaise, Messieurs, fussiezvous auec belles quilles d'yuoire ou d Ebene bien dorces & pindarisees. Qui auroit osté les fondemens du Louure ceste belle Architecture ne seruiroit pas de beacoup, & ie m'en rapporte à vostre ingement. Nous sommes les iabes & les pieds qui portons ce grand corps, de plus le ventre qui le nourrissons Baze, & Piedestaux qui le soutenons. Tout cela abiet, incongneu, sans aparence. Quand on en parle c'est auec tat de mespris, ce manant, ce vilain, ceste lie. Cela est vray, sans esclat sans ornement. Disont plus, la Cloaque, la Sentine de vos passions, de vosfuries, de vos rebellions. Nous portos, entretenons, & engraissons tout au contrire de la rate qui s'ensie & desseche le corps, nous fommes dessechez & mangez & (ô mal-heur!) le iouët du monde & la Balieure.

Nous engraissons ces mittres & prenons parience, parce que c'est a bonne intentio asin qu'on prie pour nous, qu'on nous instruise, qu'on nous corrige, & le monde sçait comment la pluspart s'en aquitent & comment on nous endoctrine: Mais combien il en est parmy eux qui n'estudient mie de peur des Auripiaux. l'ay quelque opinion qu'il s'é trouuera plus de mulets qui sentet l'Asne que de cheuaux d'Espagne. Aussi ne font-ils pas hommes de guerre, comme iadis au deux premieres races de nos Roys, hormis l'Euesque de Poicters & quelques autres que ie pourrois nomer de Doctrine, de Qualité & de Probité

qui degaineroyent s'il en estoit besoin,

Nous engraissons ces Espees, parce qu'elles nous conseruent contre les estrangers qui nous auroyent tous mis a sac sans elles. Pour cest item nous y contribuons de bon cœur, toutesfois nous desirerions qu'on y allast auec plus de modestie, & de consideration. Nous engraissons les Marchands, Artisans & autres du Tiers Estat qui seruent à la Republique. Patience: Mais quand à ces bonnets quarez qui grimpent du Clergé, de la Noblesse, & du peuple, nous regrettons & lamentons qu'ils mangent nos viures, & qu'ils nous facent ieuner pour s'egorger de perdreaux & de gelinotes de bois. La cause, Messieurs, c'est qu'ils ne seruent de rien à la Republiq. C'est vn quatriesme corps engendré de corruption, qui vit de

7 +8

eorruption suiuant la maxime des Naturalistes, que le corps est nourry de la mesme chose dont il engendre. Quatriesme corps qui ruine les autres trois qui sont si sots (pardonnez à nostre zele Messieurs) qu'ils se laissent manger comme des veaux. Pensez si cest Andriague n'en est pas bien aise. Et pourquoy le souffrezvous? N'entendons en façon quelconque parler de ces graues Senateurs des Cours de Parlemens, & principalement de celle qui est la gloire des Senats du monde: car nous sçauons qu'il y a beaucoup de gens de bien qui sont Collonnes de l'Estat, mais de tant de Procureurs, Aduocats, & autres sensues qui nous fuccent iusques aux mouelles. Bien nous plaignons nous dequoy il les tolerent, & pour cest item il n'y a moyen de nous en taire.

Voila donc ces trois corps & ce quatriesme de corruption nourris par nous. Ils se batent aux pressences, ils sont tous bousis d'orgueil & de vanité. Nous les nourrissons tous & on ne fait conte de nous certes non plus que des excremens. Iniustice estrange & incroyable, & quasi vn reproche à la Nature de nous auoir faict les peres nourriciers de ceste Monarchie, & qu'on nous traite si mal. Que nous soyons les piez, les iambes, le ventre, nous sommes encores ioints auec la teste, auec le cœur par des nerfs, par des arteres, & auos apris de ces deux

parties qu'il y a vn ordre au monde estably de Dieu, vne distinction des Personnes & des Estats, mais qu'il y a aussi vne liaison. Nous ne voulons pas estre le cerueau, le cœur les bras, les mains la poictrine: Confessons que nous sommes les iambes & les pieds aduouez aussi que nous sommes le soye. Au moins si nous portons les sardeaux qu'on ne nous tronque pas, que nous ne soyons point mutilez barbarement, & si on nous seigne qu'on ne nous tire

pas tout le sang.

Il y a long temps que nous auons occasion de nous plaindre de ce quatriesme corps, & maintenant nous nous plaignons particulierement de ces espees. Demandons iustice au Roy pour le passé & ordre pour l'aduenir. En plaine paix (pour le reste du Royaume) batus, emprisonnez, tuez, nos femmes & filles forcées en toutes ces Prouinces, tant d'inhumanitez commises, & personne n'a pris nostre cause en main. Nous somes aux pieds du Roy nostre souerain Seigneur qui a puissance sur nous, sur nos vies, sur nos femmes & ensans, disons puissance souueraine: mais il est nostre pere, & ceste puissance il l'a tient de Dieu. Comme pere nous en esperons secours, œuure de clemence & de bonté: comme la tenant d'enhaut nous en deuons attendre iustice, de peur que Dieu ne la prene de luy. Ne

79

Ne poudons comprendre comment le Roy s'est laissé brauer à ses subiects, prendre ses villes & se cantonner aux faux bourgs de sa ville capitalle. Il y a tant de compagnies de cheuaux legers, de Gendarmes, de Regiments entretenus & le Roy n'a-il pas moyen de se faire obeyr? Nous payons & nourrissons tous, Piez plats(dira quelqu'vn) cela est trop cogneu & vous ne dictes rien de nouueau. Pié pointu, respondons testes folle (Messieurs pardonnez à-nostre iuste douleur) c'est ce qui nous cabre & nous met au desespoir, On congnoist l'iniustice, la tyrannie, l'oppressió insupportable & (ô Dieu du Ciel!) on est sourd à nos plainctes pedant que nous sommes aux derniers traicts de la mort. Au Roy donc en sa Majorité, à la Reyne sa mere la gloire des Reynes, le soutien de la France, & a Messieurs du Conseil nous demandons reparation de nos maux sousers & soulagement de nos miseres pour l'aduenir.

Ce n'est pas pour nous seuls, c'est pour tous. Quand la terre ne sera point labouree, ny les vignes faictes & les autres ouurages rustiques que deuiendra le Roy mesme auec tout le reste? C'est doc pour le bien commun que nous parlons, prests à donner franchement de nostre sang, de nostre gresse, de la sueur de nos corps: Mais que les veines nous soyent toutes vuidees, que la substance soit toute deuoree, que nos trauaux soyent conuertis en larmes de sang, nous crions à Dieu & au Roy pour anoir vne meilleure condition, ou à la fin de nostre vie. Nous sommes dit-on comme les Asnes qui portent tout souuenez-vous Messieurs des Estats à ce propos, que suiuant le Prouerbe Espagnol, Elasno sufre la Cargay no la sobrecarga, l'Asne soufre la charge, mais non la surcharge, & sans le respect de la copagnie, nous pourrions dire à plusieurs qu'ils deuroiet auoir compassion de leurs freres.

Nous auons beaucoup de choses à remonstrer, aduis à donner, & secrets à descouurir. Nous commencerons par vne lettre intercecepte, qui nous est venue en main passant chemin. Vous aurez patience d'en ouyr la lesture, s'il vous plaist. Aussi vous n'auez pas grandes

occupations les iours des festes.

Goinfre l'auenturier à Friquenelle, Salut:

Friquenelle moy amy, ie le disois bien tousiours, & on se mocquoit de moy, que le Prouer
be Italien est trop veritable à mon grandissime regret, I popoli s'amazzano, gli Principi s'abracciano. Les voila tous à la Cour comme aux
dernieres idees de Ianuier caressés, bien venus
teste haute, bon minois que vous diriez qu'ils
ont sauué l'Eat. Assis aux Estats ou ailleurs à
grans pennaches les vns, autres petits, tenant

leur rang hors-mis ceux qui voyent jouer à la gallerie, de peur de choquer l'antiquité de leur Escusson attendant les ratepennades à la tenué des Estats aux Calendes Grecques pour estre fait comme dé raison. Les voila donc gaillards & nous bien penauds, bien sors d'auoir vendu le préioly, le moulin, le fief sur ces Esperances. Nous dirés, nous ferons. Par ma fressure nous sommes en belles assiete. Ils faisoyent tant les eschauffez. Gueridon nous en auoit aduertis dés le commencement. Le bien pupblic, le seruice du Roy. Tout auant. Et puis tout s'est fondu en leur interest particulier. Et nous autre fols de haute gamme de les auoir creus ces Caioleurs, enioleurs (marchand qui perd ne peut rire) je suis fort ofencé, ô mố sief. Le serois d'aduis qu'à plusieurs on donnat des chapeaux de Cardinaux pour faire despit aux Romains & aux Castillans, aussi nous en auons trop peu en France. Ceste disgrace & bricole des fausses esperances nous doit aprendre à nos despens que la plus grande finesse est de seruir le Roy. Dieu le commande. Il y a plus de moyen de nous aduacer en vne heure que ces gens là en toute leur vie. Tousiours à l'Escu de France pour estre bien & qui a le Roy fait tousiours yn leué. I'ny vendu mô fief pour ces belles promesses & ma femme me bat come plastre. Maudite Ambition des grands qui

Bij

cause tant de maux. A Dieu Friquenelle mon amy, ie croy que tu as aussi mauuaise mine que moy quand tu te souviens de la guerre de Soissons l'enrage, ie forcene, ô mon sies! Escrit de ma maison à mal garny à la sin d'Octobre & au commencement de ma Diete & de mon Carésme, ô mon sies.

Voila Messieurs des Estats la lettre du Copagnon. Il n'y a Sorbone, ny College des trois Euesques qui puisse faire vne leçon plus haute à ces Rolands & Mandricars coureurs & picoreurs de vaches, que ceste naisue missiue toute mal coiffee qu'elle est. C'est vn fleau de Dieu que la guerre mais la Civile est espouvantable. C'est là où nous vouloyent porter ces zelez Eleazars du repos public, ces Brutus & Cassius & nous les voyons qui font encores les resolus. Nous sommes subjects & deuons tout suporter patiemment par les loix divines & humaines: Mais souvenez vous que les Peuples n'ont iamais faute de Roys de Princes sinon pour les couduire au moins pour les manger: Et ils ne se donnent point de peine qui que ce soit pourueu qu'ils viuent heureusemet. Marque ceste chasse qui à interest à l'escot.

Nous auons aussi à vous dire que passant chemin nous vismes faire vne plaisante Reueue sans toucher argent. Le Capitaine qui marchoit à la teste de la troupe tenoir dans la main quelques vieilles Pancartes connertes de toiles d'airaignees, auoit vne Nef de papier sur la teste sans voile & sans Timon & sur vn escriteau la figure d'yne lanterne toute rompue auec des parolles Barbares qui significient, le Vous feray riches. Il marchoyent à la desbandade ayant presque cous des Tableaux dans leurs mains. Il y en auoit plusieurs auec Chaperos verds & aureilles de liures & des marotes, leur deuise Batrogoin, Plus ou Rien. D'autres auoyet des coins& des marteaux &ceste deuise, Tout de bo aloy, Plu sieurs autres estoyet la portats yn papier rouge & ceste deuise en chap verd; Il sera brusté, Toutes ces gens de differente humeur & condition estoyent là pesse-messe confusément comme des estourdis que je laisse à vous representer pour cause de briefueté, & pour venir aux articles que nous desirons vous proposer pour le bien de l'Estat.

ARTICLES.

Nous suplions à genoux le Roy Tres-Chrestien, le plus grand de l'Vniuers, auec toute reuerance & humilité d'accorder les Articles suivans (sauf meilleur aduis.)

B iij

PREMIEREMENT.

1. Que sa Maiesté iurera solennellement de tascher (auec l'aide de Dieu) d'oster les scismes de la Chrestienté, & particulierement de son Royaume pour la Religion, estant venu en aage competant: 63. que sadicte Maieste fora durant ceste assemblee des Eflats vne declaration de cest article & autres qui seront approuuez, enregistrez à la Cour de Parlement & publicz par tout le Royaume.

2. Que les blasphemes seront punis.

3. Les Simonies oftees.

4. La Paulette & toute Venalité d'ofices de iudicature, de finances dans le Royaume & de toutes. sorte de charges dans la maison du Roy, coc.

5. Que la pragmatique Sanction sera restablie.

6. Que l'alliance du Grand Seigneur sera rompue,

Grn'y aura plus d'Ambassadeur à sa porte.

7. Que la noblesse sera remisse en sa premiere Splendeur & administrera la iustice comme anciennement: Neantmoins que la porte seratousiours ouuerte à la Vertu pour les charges de quelque conditio qu'on soit.

8. Que le commerce sera estably, & les Galeres remises comme du temps du R. F.A. & H.2. pour y enuoyer si le cas y eschet tant de factieux qui four-

millent en France.

9. Que nul ne pourra estre Abbé ny Curé qui ne soit bon Theologien, & si plusieure s'en trouuent aux abois & à l'Espagnolle s'en curent a les dens à

ieun a leur dam.

10. Que la recherche soit faicte des concussions largins des gens de Iustice, & sans faire tort a personne on en retirera des sommes excessive pour le

Threfor du Roy.

Roy n'ayant besoin d'estre consirmées du Conseil du Roy n'ayant besoin d'estre consirmées par les Cours de Parlement, si ce n'est celle de Paris pour certains cas. Si iustes elles doiuent estre receues: Sinon on les fait tousiours passer aux autres Parl. par faucur ou par argent. Argent fait tout. Cela est trop cogneu.

12. Que le graud Conseil soit osté non seulement comme inutille: mais comme vne eschole de chicane, où ils se hastet tant à la fin du Semestre (pour ne laisfer rien à leurs sucesseurs d'aussi bon apetit qu'eux), qu'ils ont iugé quelque sois des procés à trois dés.

13. Que les baillifs & Seneschaux exerceront leurs

charges comme anciennement auec le mesme pouvoir or authorité sans Lieutenans estans presens or ne pourront en auoir que de robe courte, en leur absence, non autrement, or que les Lieutenans qui sont à present seront suprimez par mort.

14. Qu'à l'aduenir il n'y ait plus de Connestable ny de Colonel de l'Infanterie. Ces charges sont inutiles & leur authorité dangereuse principalement à la minorité des Roys: & qu'on en face Vne Loy Sa-

lique bien salce qui ne se corrompe iamais.

15. Que nul sujet du Roy quel qu'il soit ne pourra faire battre monoye & qu'il ne s'en metra que de la marque du Roy.

16. Qu'on trauaillera pour les monoyes sur le fin sas iamais en afoiblir le pié & la saque d'icelles defendue sur peine de la Vie.

17. Que tous Iuifs scront banis du Royaume ou

qu'on ne chantera plus Messe.

18. Qu'à l'aduenir on ne se servira point d'estrangers pour la guerre bien leur payera on pension pour
entretenir l'aliance. Vn Suisse despend plus que six
François. La première chose qu'il iure, c'est de n'aller point aux assaux & la Veille ou sur le point
d'une bataille, de tourner ses armes contre nous s'il
ne touche argent. Honte & reproche à la France
qui à tant d'homme de ne sçauoir se passer de ses voisins.

19. Que deffence soient faites à peine de la Vie à tât de saineans d'aller en pelerinage hors du Royaume qui emportent en Espagne, & Italie, plus d'Vn million d'or tous les ans. Requeste presentee par S. Denys, & ses compagnons martyrs, S. Michel, Saincts Geneuiesue & autres qui valent pour le moins autant que les Saincts estrangers. Iustice leur soit faite sans attendre le mandat de Rome & pour

caufe.

20. Que desfences soient faites à tous Predicateurs d'esmouuoir le peuple à seditio à peine d'y lais-

ser le moule du bonnet.

21. Que les Officiers dans la Maison du Roy soyent Gentilshommes comme anciennement, mesmes du Temps de S. Louys suiuant le mesme ordre.

22. Que les Compagnies des Gendarmes & chenaux legers seront fournies de gentilshommes ou autres de famille honorable ayans de la Vertu.

23. Que tous Gouverneurs, Maistres de Camp, Capitaines & Commissaire des guerres seront cassez qui en façon quelconque mettront les gens de

guerre en la bourfe, ou le permettront. 😘

24 Que la Chicane sera exterminee: Mais atendant son entiere destruction au salut de tant d'ames endiable; qui en viuent, on rongnera les robbes Es soutanes des Chicaneurs parce qu'il n'y a que trop d'estoffe sur ces sots anes principalement quand il fait croté.

25 Que les Duels seront arrachez à iamais & pour cest effect le Roy iurera de nouveau à son bon iour oubliquement & sollennellement que le premier

qui luy demandera Grace fera lapidé.

hommes de la chambre pour cent francs, ou par le Roy deffunt durant la fureur des troubles: Autres Gentils-hommes servans ou Escuyer pour trente francs en Guyenne & ailleurs seront cassez comme verre de fougere ou autremet sauf leurs recours à qui bon leur semblera, sans despens.

27. Que ceux qui ne sont de bonne & ancienne maison ne pourront faire appeler leurs femmes Dames sur paine de punition corporelle: Mais pour pauure qu'ils soyent permis à ceux qui seront de la susdite qualité. A eux confeil donné de ne faire pas vens tre de bureau & robe de velours. Ainsi tant de petites Dames du Triq traq des guerres Ciuiles seront desdamees, voire deschaperonnees s'il semble bon aux Estats.

de Messire & de Cheualier ne pourrot estre mis aux contrasts que par Comtes, Barons, en fin haut Iusticiers de la vielle impression & non de celle des Chapignons d'vne nuit à peine de confiscation de leurs fiefs ou de grosses amandes ameres.

29. Que les financiers, gens d'Eglise & de Chicane contribueront tous pour acheuer le dessein du bastiment du Louure, asin d'empescher que les e-strangers ne facent la mouë en Voyant Vne si laide

entree.

30. Que les Princes & riches Seigneurs n'aurons nulles pensions, hormis les Officiers de la Couronne & Gouverneurs des Provinces pour tenir table seulement non pour entretenir des Pensionnaires & se faire des Creatures au despens du Roy: Aux leurs tant qu'il leur plaira, qu'ils se desendent du prix.

31. Que dans les compagnies des Gendarmes, Cheuaux legers compagnies entretenuës aux Regimens & frontieres ne pourra entrer personne qu'auec cognoissance expresse & permission du Roy sur peine que les chefs seront des mis de leurs charges.

32. Que nul valet ne pourra quitter son maistre

sans billet à peine des Galeres.

33. Que les charges des Gouverneurs des Prouinces, des Villes, Grands Maistres Chambellans, Capitaines des Gardes & autres de la Maison du Roy & ailleurs ne seront point hereditaires.

34. Que le Roy protestera solennellement de maintenir tous ses suiects en bonne paix tant d'V-

ne que d'autre Religion.

35. Que les Peres Iesuites ne hanteront point la Cour suivant leur institution fondamentalle, con ne se messerot de l'Estat qu'à la façon des bons Peres Capusins, sur peine de bannissement perpetuel, co

n yront plus en Carosse.

36. Que Monseigneur le Prince & les Princes & Seigneurs ses conuenans quieteront leurs pensios au Roy pour quatre ans & ce sera pour recompenser ceux qui ont bie seruy leurs Maiestez en ces occasios passees. Plus donneront le tiers de leur reuenu pour autres quatre ans dont sera fait vn fonds pour estre distribué (par des gens de bien) dans les prouinces ruinees, comme de raison.

37. Que les tailles seront portees par les Consuls & Esseus aux despens des communautez dans l'Espargne, qu'elles seront imposees & leuces equi-

sablement a peine de la Vie.

38. Que ceste confuse cantité d'Officiers des sinances & autres sera ostee par supression ou autrement comme il sera requis.

39. Que ceste multitude innombrable de Sau-

en terres indefinis, sont en nombre de plus de trois millions, soit abolie, ensemble six vingts mille Sergens qui sont dans le Royaume. Qu'estans conuaincus de concusions es maluersations ils seront enuoyez incontinant es sans delay aux Galeres, es que le general n'esparonera point leur peau.

fe ny à Cheval dans le Louvre Permis aux gouteux, sciatiques & autres maleficiez de se faire porter en chaire s ille trouve bon, par des Suisses ou autres

n'importe.

41. Que celuy qui entreprendra iniustemet, quel qu'il soit, contre vn Officier domestique & comme-fal de la maison du Roy faisant sa charge sera demis de la sienne sans remission & sans exception.

vsera d'insolence sera casse & puni exemplaire

43, Que nul puisse avoir n'y deux grandes charges, ny deux Gouvernemens d'importance, ou qu'il se forge deux testes & quatre mains.

naires vers les Estrangers & n'y seront enuoyez

qu'aux occasions, n'y deux à nous.

45. Que monsieur le President Ieannin demeurera en sa charge tant qu'il luy paira à peine que tout ira en confusion & que le seu S. Anthoine eschaufe quiconque luy voudra faire quitter. 46. Que les Gouverneurs des Provinces & des villes changeront de trois en trois ans afin que chacun se rende capable & Vertueux & se ressente de la Beneficence du Prince.

47. Que les maisons nobles achettees par des roturiers puissent estre rachetees & retirées par les plus proches parens en defaut de ce, par le Roy en re-

boursant comme de raison.

48. Que nul ne pourra tenir Caroffe hormis les Euesques, s'il n'a vingt mille liures de rente ou s'il n'est de grande maison bien qu'il en ait moins, ou ayant charge publique.

le reste le soit aussi puis que les marchans & les artisans disent toursiours, les Viures sont si chers, pour

faire Valoir leur chalandise.

lier de France s'il n'est gentil-homme portant espec comme anciennement, capable, & lettré, ou de fort honorable famille & de grande & singuliere Vertu & capacité.

cher au rang des Princes du sang, ou qu'it ny aura

plus de loy Salique.

52. Que tant de Tresoriers generaux & Maistres des requestes seront suprimez par mort & leurs femmes desdamees, n'y aura qu' yn Tresorier general on chasque Prouince qui sera gentil-homme comme anciennement, & quatre Maistres des Requestes

Ç iÿ

pour tout.

73. Qu'iln'y aura plus que deux Aduocats au Priue Conseil dont on fait vne autre cohue du Cha-

Stelet.

54. Que ces dignitez de Conseiller d'Estat ne se donneront plus qu'aux gentils-hommes de bonne con ancienne maison capables & Vertueux: Neantmoins que les autres gentils-hommes ceux du tiers Estat y pourront paruenir quand ils excelleront en Vertu & capacité.

Son bon iour haut & clair en presence de tous, de rechercher & punir les Autheurs du parricide execrable de Henry le Grand. quels qu'ils soyent, pour expier ce sang espandu si barbarement, afin d'oster en partie l'opprobre de la France & reparer la honte qui nous est faite par toutes les nations de la terre de si orand abomination.

oit iuste & comme tel exactement observe. L'obferuation des Edicts ne dure pas trois iours: Incroyable ruyne à l'Estat et suiet de moquerie et de me-

spris aux Estrangers.

Voila messieurs des Estats, que nous auions resolu de vous proposer (tousiours sauf meilleur aduis & le droit gardé a vn chacun, le tout sans dessein, sans animosité:) Dictes le vray,

Certes nous vous auons bien taillé de la besoigne & ne sçauons si vous pourrez auancer à la coudre toute eussiez vous autant d'aiguilles acerées qu'il y en a ches les Peletiers de Paris. l'auois oublievn article Que nul Almanac ne soit dedié au Roy. Il y en a qui en rirot, à eux permis. Et nous disons qu'il n'entendent pas bien les Tropiques ny les Tropiques. Que le Cancer mange & le Capricorne puisse coiffer les Testes retrogrades qui n'entendent point le mouuement irregulier des affaires. Nest-ce pas vn scădale qu'on dedie des superstitions & des choses defendues par la loy de Dieu, à celuy qui doit faire punir les Deuins & toutes ces efpeces de sorciers de mauuais regard? Il y en a bien d'autres, direz vous, plus hupez ou plus Dupez qui triomphent. Tant pis Nous somes de pauures rustiques qui n'entendons ny Any Boy & parlons selon vn sens naturel & quelque experience des choses du Monde.

Vous nous direz donq, Messieurs, que nous vous auons, mis en grad accessoire & que c'est l'Estable d'Augias (comme disont les Clercs) & que vous n'estes pas de Hercules Gaulois. Il y a bien de l'ordure. Vrayemet ce mon: Mais ce ne some s pas nous qui l'auons fai & Il y a parmy vous tant de Docteurs, d'hystoriens, de Legistes. Voyez comment les perses, les Medes, les Grecs & les Romains, mais sur tout les Fraçois

se sont gouvernez en la corruption des Estats. Et je croyque sans aller plus loin vous trouuerez dans les ordonnances de nos grands Rois tout ce qu'il faut pour rendre vne Monarchie aussi parfaictement heureuse que la condition de la foiblesse humaine le peut porter. Ie l'ay ouy dire à des Clercs. Examinez tout. Acordez bien vos chalumeaux & vous orrez de bons accords. Pourquoy tant d'honneur, de prerogatives, de privileges, d'abondance & ne vouloir point sueilleter les Annales, les Pancartes & les Chartres pour le bien publie? Piez plats, direz vous, silence, vous nous tabustez les cerueaux. Nous sçauons tout le Grimoire, il n'y a rien plus a fureter la France est plaine de belles loix. C'est d'elle que nos voisins les ont empruntees, mais il luy est arriué comme aux Cordonniers qui chaussent bien les autres & ne sont iamais bien chaussez. Par S. Iean vous nous rendez quinaus, Messieurs desdesEstats, il n'y a pas vne lettre perduë. Ho!ho, voila donc la responce cathegorique.

Nous vous supplions qu'il nous soit permis d'esplucher ce Negoce & peser sagement d'où vient vne si lourde faute & si dommageable. On est puny pour dire le vray, si le faut il dire. Ce mal-heur vient des Roys & de leur Confeil. Quand vn homme est yure il se precipite a tout peril. Ce ne sont pas les iambes les

bras, le foye ny la rate qui en sont cause. Et qui donc à vostre aduis? C'est la reste. Les yeux guident & les piez portent. Ce sont offices reciproques. A qui tient-il que les loix ne soyent bien obseruees? Aux Magistrats. Le premier Iuge & Magistrat du Royaume s'est le Roy. Il faict les loix les defait, les corrige, les modifie, tout auec Iustice, autrement il n'est plus Roy. Il est donc l'Ame des Loix, non seul, mais son Conseil despendant de sa Maiesté, Conseil suiuet lequel il se gouuerne. Il arrive que le Prince est de mauuais naturel ou a de mauuais Conseillers, par consequent les peuples sont opprimez & rout va en confusion. La faute, a ce copte, n'est pas d'vn seul, mais de plusieurs. Quand le Prince souverain est mal disposé de son entendement, ou en bas aage il faut auoir recours a son Conseil. S'il y a du mal c'est àl uy qu'il s'en faut prendre, & à qui donc, au Marguillier S. Merry? En ce bas aage de nostre tres grand Louys XIII. nous auons fon Confeil. Suiuant les plus belles constitutions de l'Estat la Royne sa mere en est le chef. Monseigneur le Prince & les autres Princes, Officiers de la Couronne, principalement monsieur le Chancelier & plusieurs grads y notables personnages de l'Estat font tout le corps c'est donc à ce Conseil qu'il se faut prendre en ce temps, si les bonnes loix ne sont pas obseruees; car il ne

D

renduës, & ie m'en rapporte aux preneurs.

On nous dira que dans ce corps du Conseil qui doit estre le Baze de l'Estat, il y a bien des partie vlcerees d'ambition, d'auarice, d'enuie, & de toute sortes de malice. Nous le cognoissons tous, & les estragers s'en moquent, Quoy pour cela, Messieurs des Estats. N'estes vous pas assemblez pour cest effect ? Estes vous venus icy pour apprendre a danser ou a iouer du flageolet? N'estes-vous pas choisis expres pour parler librement & iustement pour le bien comun? Vous despendez tous les jours six mille escus, & vous ne direz pas francement vos aduis? Serez vous des vaches ou des busies inséfibles à nos maux insuportables? Le Roy selo la congnoissance que Dieuluy a donnee en ce bas aage qui surpasse l'ordre commun de la Nature(aussi est-il bien qu'homme par dessus les hommes) desire que son Royaume soit reglé sainctement & iustemet la Reyne sa mere qui aime plus l'Estat qu'elle mesme, & nostre felicité que la sienne propre, bonne s'il y en eut iamais entre les Reynes n'a point de plus haute ambition. Elle veut rendre compte aux Estats de sa Regence, a quoy elle n'est obligee ny par les loix diuines ny par les humaines. Se vir il iamais rien de pareil ? A qui tiendra-il donc qu'vn bon ordre estably en

ceste Monarchie ne soit obserué?

Nous sçauos bien que le Roy ne tient que de Dieu & de son espee, que sa puissance est absolue & souveraine. Ainsi nous parlos auec toute humilité & reuerence tenant les Estats: mais c'est en cela que nos Roys ont surpassé tous les autres. Carpar vne assemblee legitime ils se sont configures communiques à leurs peuples comme peres, no comme seigneurs seulement, pour ouyr leurs plainctes: c'est la plus excellente harmonie des Estats & forme de gouvernement qui soyent au monde & la plus admirable ou l'empire & la clemence, la force & la bontésont ioinctes de façon que lors que le Prince souuerain n'aime plus ses suiects come ses enfans il desiste d'estreRoy. Voila donc les suiers qui representent les maux à sa Maiesté, tout cela ne git qu'en aduis, remonstraces, suplications. Apres le Roy fait ce que bon luy semble par l'aduis de son Conseil: Ce n'est doc pas vne bride à la puissance souveraine, il est vrayMessieurs des Estats; Mais ie vous diray le secret lors qu'on represente viuement à nos Roys les Necessitez de l'Estat (come vrayment Roys & non Tyrans) ils ont copassion de leurs suiects & metent ordre aux affaires. Et si vous employez le temps à songer a vostre particulier, & vous piquer les vns contre les autres, quel moyen d'en de couurir les maux & d'en

rechercher les remedes; Ainsi tout demeurera en confusion & l'Estat tombera en ruyne.

Nous sommes pauures idiots & ne remarquons (selon nostre foiblesse) que les choses grossieres. Nous vismes faire vne cure en passant, d'vn miserable qui languissoit pour ne vouloir permettre qu'on luy coupat certaine partie de son corps. Les maistres expers luy disoyent que la Cangrene s'y aloit mettre & qu'il estoit perdu. En fin il soufrit qu'on la luy coupat apres auoir eu beaucoup de mal & sauua tout le reste. Qu on oste donc ces parties vlcerees qui ne font qu'infecter ce grad corps si on le veut remettre en sa premiere vigueur & santé. La difference de ces deux corps sera notable: Car a ce patient le corps luy demeurera mutilé, & cestuy-cy au contraire en sera plus entier. A l'autre on ostoit yne partie necessaire nee & nourrie auec luy naturellemet: A cestuý-cy on arrache des excremens engedrez par les excez & debauches des desordres & des guerres civilles; Corruptions de la malice des hommes puanteurs des derniers siecle du Monde.

Vous estes comme Ephores pour corriger nos maux qui ne sont pas irremediables si vous auez iugement & courage de bien saire: Mais vous n'y allez que d'vne sesse, perdez le têps en ancre & en papier, en Discours inutilles en vanité de preseance, coplimens & autres bagatelles qui n'agreent pas à ceux qui vous defrayent. Quand on parle a aucuns de vos despences, ils disent sousriant & donnant du naiz a qui en a assez que l'argent demeure das le Royaume. ô la trifte confolation! mais la grande desolation! Celuy des concutions, des faussetz, des larcins des finances & de la chicane y demeure bien, & pour cela vos conclusions sont elles iustes? Le mauuais argument de Sophites pour les bourses des Communautez. Or nous dit encore pour nous reiouyr, qu'au lieu d'exterminer a iamais ceste maudite Paulete qui rend le larecin hereditaire on la veut continuer & qu'on vend toutes les charges & offices a la maison de Monsieur. Il y en a bien la pour nous faire deuenir fols par B mol &par B quare & nous le sommes affez par Nature. C'est à vous Messieurs des Estats ou les Estats (commeil yous plaira) carie suis vn pauure rustique qui n'entet ia la Gramatique, c'est a vous Messieurs d'mertre ordre puis qu ils plaist a leurs Maiestez.

Nous craignons que nos Cayers comme nostre argent s'en iront en sume de cuisine, ou autrement. Les trois Estats en ce Royaume sont comme le cerueau, le cœur & le soye, tous trois vnis estroitement. Liaison incomparable mariage admirable de la Nature qui bute a

D ij

leur conseruation. Les nerf, les arteres, les veines ont certaine tissure & correspondance & contribuent tous en general & en particulier De leur Division s'ensuit au bien commun. necessairement la ruyne de tout le corps. L'Analogie qui est entre ces trois principales parries du corps humain & les mois Estats du Royaume est assez cognuë. Le Clergé guide comme le Nort de la Pieté. La Noblesse soustient par son courage. Le Tiers Estat comme le foye, (ainsi qu'il a esté dit au commecemet) distribue le sang par ses vaines à ces deux excelletes parties & les nourrit. Il est de ces trois comme d'vn nombre: vous n'y sçauriez adiouster ou diminuer sans destruire sa Nature. Nous sommes des pauures rustiques qui n'entendons rien a ergoter: Mais nous tirons bien de là vn Argument que s'il n'y a vne bonne harmonie entre ces parties il ne faut attendre que la ruyne de tout le corps. Or chacun de ces trois a son office particulier par lequel ils sont distinguez. Voyez les cinq doigts de la main ils sont separez & chasqu'vn a vn mouuement incommunicable aux autres, & toutes-fois ils sont joints ensemble pour tout le reste. Souuenez - vous de la fable qu'allegua ce grand Senateur Agripa durant la diuision de la Noblesse & du peuple.

Nous sommes auertis qu'il y a vne mauuai-

se correspondace entre la Noblesse & le Tiers Estat. Ces iours passez on a dit certaines paroles ou il ny auoit pas beaucoup de saueur pour aucuns: Toutesfois dites simplement interpretées cruement & sinistremet. Mauuais discours là dessus & menaces auec mespris qui tesmoignent que tout l'argent vif n'est pas dans les minieres. Pardonnez s'il vous plaist à ceste liberté, il nous sera permis de parler pour nostre argent fixe. En termes generaux il ne se peut mieux dire. Que c'est vne honte qu'il faille que le Roy achete la fidelité de ses suiets à prix d'argent. C'est la These generalle qui est tres veritable, La Raison; Parce que nous deuos tout au Roy par les loys diuines & humaines. De plus, la vertu n'est point mercenaire, elle est son loyer elle mesme en ses belles & glorieuses actions. Demeurat donc dans ces termes personne de sain jugement ne s'en doit offenser. S'en scandaliser est outrager la vertu. Il ne s'ensuit pas neatmoins que le Roy ne puisse & ne la doiue recognoistre. Cela s'est pratiqué de tout téps) & sans sortir de chez nous) d'où viennent tant d'Odres, de privileges, de perrogatives, de grands & aduatageux tiltres de nostre Noblesse que de la sacrsse des Roys qui ont voulu ho-norer les vertueux? Tout cela est bien de plus haut relief que de doner pensions. Il y a donc en ceste These generalle (comme parlent les

Clercs)vne explicatio essentielle. Que c'est me honte qu'il faille que le Roy donne des pensions à des. gens de neant, qui n'ont iamais seruy, inutiles, vicieux, factieux; et plustôst dignes de supplice que de gratification. Voyons le reuers de la Medaille. Ou scauroient estre mieux employees les Pensions que pour ceux qui n ont point de plus haut desir (apres la gloire de Dieu) que de seruir le Roy; que de mettre leurs biens & leurs vies pour sa Maiesté & par consequent pour l'Estar? Et il s'en trouuera parmy nostre Noblesse vn bon nombre de ceste marque N'estce pas austria plus volontaire & la plus genereuse du monde? Pieust à Dieu qu'elle suit plus fage. C'est vne Niche où les compatriotes & les Estragers ont placé vne statue de la Temerité, pour a accuser la faulse imagination qui la transporte & la rend miserable par les querelles.

Pour retourner à nostre These voilà donc le vray sens de ces parolles: Car autrement ce seroit parlé auec trop d'importance. Disons, que cela touche plus au Tiers Estat qu'à la Noblesse, parce qu'il a plus de pensions qu'elle. Il y a tant de Nobles qui ne sont pas à la Rose (nouuellement imprimez que c'est pitié. Ainsi ne faut pas se pointer la dessus, & sorger des interpretatios chimeriques. Le cœur est le premier viuant & le dernier mourant. Que fàiroit

la foye sans suy? Mais disons aussi que sans les esprits naturels les vitaux ne pourroient subsister. Il est indubitable que la Noblesse est le cœur de cest Estat, aussi a elle tant de grands priuileges sur le commun: Mais voicy vne sur barbade à l'insolence: ce n'est pas pour elle seule, c'est pour le bien public.

Il y a vn autre point dont ons est piqué cotre leTiers Estat: Que la Noblesse se nede capable d'exercer les charges de la Iustice. Exeples alleguez la dessus de Charlemagne, & autres Empereurs & Roys de France. En general cela se peut dire pour l'auenir. Interpretons sans passionil ne s'ensuit pas qu'il n'y ait quantité de gentilshome au Royaume capables de ces charges en toutes les façons qu'on les sçauroit prendre. Nos Seneschaux anciennement iugeoient & n'auoyent point de Lieutenant (si ce n'est en leur absence) & la Iustice estoit entre les mains de la Noblesse. Loy expresse qu'onvoit encore au Tresor. Que nul de robe longue ne puisse exercer la Iustité et estre iuge. Le Latin de ce téps là edit Frere Guillaume) n'estoit pas si friad que celay du nostre, mais ceux qui le parloient estoient plus gens de bien. Ils n'a uoient pas la Rhetonique si mignarde & si atifée, ouy bien la conscience meilleure. 1e dis pour necessaire de cela, que ceste grande & si vtille action ne consiste pas tant à sçauoir beaucoup de Latin

E

que d'auoir ceste preci use piece de la bonne Conscience, si rare en ce Temps, auec vn bon sent & sçauoirles principales loix & les Coustumes du Pays. D'ailleurs, Si on regarde parmy oeux qui administrent la Iustice on y en trouvera des trois pars les deux qui ne sçauent pour tout que la Loy Qui potest capere capiat. Ainsi donc Messieurs des Estats en ces deux propositions (selon nostre pauure jugement)il n'y arien dequoyda Noblesse se doine offencer, & certes c'est trop debile de parler d'esperons, de laquais &c. Le mespris est vn foible in-Arthment pour vnerbonne intelligence sans laquelle il n'y scauroipauoir vne estroite vnio qui doit estre la premiere roue de ceste grande Machine. Cen'est pas le moyen de remedier aux maux de l'Estat que de se diviser. Quand quelqu'vn amalà vn bras, auquel il a faithmetire vn apareil fi l'autre l'arrache il n'y apasanioyen deguerir, mais a voltre aduis fi luy mesme ne s'en resentira pas auec tout le corps? Voulez-voirs que ie vous parle à la fráche margueriteis Messeurs de la Noblesse vous estes dignes de reproche & on vous 2 donné là vne sbrilade à propose Il est vray qu'il y aplusieurs Seigneurs & Gentils-hommes doctes, voires tres doctes, de bon sens, capables de routes grandes administratios, mais c'est le petit nombre, & il y ena tant d'autres

essoignez de ce port. Quand on oit ordinairement vomit des parolles sales & puantes, blasphemer le Nom de Dieu detestablement, qu'on voit passer les nuicts à brelander & les iours à faire retentir vn Tran, Tran, se precipiter au peril & se couper la gorge pour une vieille lanterne, somme embrasser mil autres actions ou indignes ou inutiles auec transport quel nom voulez vous qu'on donne à telles gens il mesemble que celuy de luges & de Magistrats qui est si graue & sacré ne seroit pas bien à son iour de ce costé là. A ce compre le mespris nait de vos deportemes, En passant c'est vne petite Remonstrance tacitement, & aduertissemet au Lesteur de faire mieux à l'aduenir. Cependant le Tiers Estat acorde libremet que les offices de Iudicature ne soiet plus venaux. Desire que la Noblesse suiuant son antienne possession exerce la Justice & de bon cœur luy donnera l'aduantage. Mais elle doit aussi trouuer bon que la carrière de l'honneur & des charges en la Iustice foit libre & ouverte à la Vertu, à l'Experience, à la Capacité, ô glorieux combat si vous autres faissez à qui mieux mieux. ô la belle Emulation! Louable Contraste où chasqu'vn tasche de s'aduantager sur autruy. Comme quoy? par force, par Tirannie? Non, mais par pieré, par Iustice; par prudence & en fin par toutes sorres de Verrus,

E ij

Aux autres Combats c'est honte d'estre vaincu: En cestuy-cy c'est vne grande gloire, en ceux-là demeurer derriere est reproche, en cestuy-cy aler apres l'imitation des plus parfaicts est tousiours louable & de haut prix. Les Caddets de ceste sorte n'ont point honte d'estre surpassez des Aynez & ce sont bien d'autres gens que ceux dont se faschoit l'autre iour. Toutes les Coronnes aux ieux Olympiques n'estoyent pas esgalles, mais elles estoyent

toutes honorables.

L'autre jour sur la coste de la Mer en Poi-Etou ie vis vn vieux Batiment, vne vielle Nauire & vn vieux Arbre. Quantité de gens trauailloient à ces trois auec tant de peine, tant d'industrie à couurir, clouër apuyer qu'en fin ils renouuellerent & affermerent tout. A propos mon Pere grand disoit qu'il ne failloit qu'vne bonne racine pour empescher la cheute. d'un gros arbre, Il ne faut point que ie face de rapport de ces trois pieces à ce, qui est de l'Ez stat, Vous entédez bien ces Analogies & proportions, Nos miseres sont assez cogneues & certes si sont biendeurs causes principales; Les femmes & les petits enfans en chafourrent le parchemin'. Portés vous donc vertueusement en ceste excellente œuure tous d'yn commun accord pour le bien de tous en general & de chasqu'vn en particulier & que craignez vous?

Puis que leurs Maiestez ne respirent que le bié de l'Estat & leur Conseil n'a point d'autre but a quoy tiendra-il que nous ne recueillons bien tost le fruit de nos Esperance. A equitez yous de vostre Deuoir en Équité de Conscience, autremet nous tiendrons nos Estats & nos grads iours & il y en a qui s'en repentiront, S'il arriue que les Montaignes enfanțet (comme nous en auons quelque opinion) Les rats ne fairont plus à barres dans vos Greniers: Car ils ne hantent point les vuides & croyez que les mesmes tempestes qui nous menacent vous acablerot. Vous estés dans le mesme Nauire, de mesme maison & branche de mesine arbre. Quand le gouuernail sera rompu, les fondemens sapes & les racines arrachees iugez s'il y aura moyé de vous garenrir du naufrage, des ruynes & de la cheute effroyable. C'est a vous a y songer pour vous, pour nous, pour tous. On ne se trou ue pas ainsi tous les ans sur le trotoir. Ne perdez point l'occasion, souuenez-vous du Paintre qui par hazard rencontra ce qui estoit denié son industrie & à l'art : Nous sommes à la veille de plus de maux que vous ne pensez. Souuenez-vous aussi que les Paysant ont vn grand aduantage sur vous, qu'ils beschent gaillardement à la Vigne, labourant la Terre & que vous auriez aussi mauuaise grace à ce

mestier qu'eux à dancer: Mais sur tout sçachez qu'il y en a vn la haut a qui vous rendrez compte de nos larmes & de nos sueurs & que vous ne rirez pas toussours.

FIN.

The state of the s

and the comment of the first of the second of the second

ศาสตร์ที่ รถยนมหัว ไพลดรากร ส่วน

the state of the s

reference of the property of the second of t

The contract of the second

in : 6.



